

太上中道妙法蓮華經卷之五 杜二

九幽品第九

爾時

元始天尊說下方一切衆生之病。度諸道士於家潔飾宅宇。建設壇廡。嚴持香燭。異果名

花。如法供養。轉此妙經。一卷二卷。乃至七卷。即當病愈。無復煩惱。自然清涼快樂。無量苦

難永除。或咒水洒病人身。即得清涼。人或命終。即以諭言。令得病人。心生捨愛。應以所用

之物。須令師尊。恭對

三寶前。高聲唱言。即當命施。令得病人。無常

如夢。免受酸楚。如地獄之報。此人先世布施。分文全收。乃至追修。無非嚴潔。生信敬心。不

以輕慢

三寶聖真。一切虛空。出家之道。心生歡喜。功

德全收。分明後世。地獄畜生。因心所作。千變

萬化。或作化生。或作胎卵。受生受業。隨其功德。一分不及二分。乃至百千萬倍。皆不能及。如是轉多福報。隨故受生受業。受皆如是

群化品第十

爾時妙行真人上白

天尊曰。我當勸化一切衆生。速得成仙。即說偈曰

讚諸上妙經 施諸名菓花

持幡復圍遶 嚴持異寶珎

捨拜所受用 福德超自然

千聖作此教

諸來天仙衆 為言思愛樂

業盡福還輕 仙樂自和鳴

共說長生樂

碧落真妙歌

妙樂世間稀 煙霞深遠邃

秋風薰夜月 此時心修徹

百寶莊紋綵 伎樂洞章歌

與多供養心 無非獻尊像

却成解脫心 如花妙勝忻

萬慮亦忘尋

總持妙法經 衆生業未盡

永斷輪迴報 迎歸九臺中

苦惱永無侵

仙花共其上

時復到瑤池 寂寞莫陵溪

綠竹翠紫扉 無復更輪回

道路分明在 塵世人自迷 長遊天界外 又得朝元君

爾時

元始天尊欲往諸天。為諸天人。說無極妙法。蓮華經。會中有一真人。名曰派霞。上白

天尊曰。我從往昔以來。久乃成道。未聞斯經。今乃元君。說此妙經。心生歡喜。晝夜思唯。頗

有衆生。多受苦惱。不聞妙經。何名妙法。我當告諸天衆。共勸衆生。修善男女。各令傳變。乃

至一卷七卷。及千萬卷。其福無量無數。乃有功德。我當流布。無令忘失。并木業林大海山

獄。尚有枯竭。而此功德。無有限量。無有休息。隨切更生。為度衆生。不入幽冥。爾時

天尊歡喜。善哉善哉。乃有如是千萬億歲。無復煩惱。即時諸天仙衆。各禮謝

太上歡喜。勇躍恭敬。讚嘆。稽首而退。各於一面。受教奉行

太上中道妙法蓮華經卷之五

太上中道妙法蓮華經卷之五